



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

XX. Papst Honorius III. bestätigt die bischöfliche Urkunde vom Jahre 1214 dem Kloster Hillersleben, am 5. Mai 1221.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

obsequio mancipati, cum omnibus bonis, que in presenti rationabiliter possidetis, aut in futuro iustis modis prestante Domino poteritis adipisci, sub beati petri et nostra protectione suscipimus, specialiter autem uillas cruzezhe, woltwi, bozezhe et putgorize, In dollen uero ecclesiam cum quatuor mansis, In mesberghe VIII mansos et dimidium et ecclesiam cum duobus mansis, In semtesweghe VIII mansos, In valdorp VI mansos, In gheroldestorp VIII mansos, In euendorp VIII mansos, In wiffemengere III mansos, In osterhusen III mansos et dimidium et unum pratum, In howersleue XIII mansos, In hogremestorp III, In irkesfleue duos, In snardefleue vnum et dimidium, In meyndorp vnum mansum, In minori wellen duos, In ochmerfleue vnum, In minori rodenfleue III^{or} et dimidium, In domerfleue XVI, In peskendorp vnum, In emeringhe VII, In majori rodenfleue XIII^{or} et dimidium, In drakenstede decem, In druchtesberghe III et dimidium, In minori druchtesberg dimidium mansum, In dodendorp vnum, In gropendorp III, In emmede duodecim mansos et III^{or} iugera, In vlechtigh II mansos et octo iugera, In stenvorde vnum, In wederigh mansum et dimidium, ac medietatem uille de smervelde. Libertates quoque et immunitates, a regibus et principibus et aliis fidelibus ipsi monasterio pia et provida deliberatione collatas, sicut ea omnia iuste ac pacifice obtinetis, vobis et per vos monasterio vestro auctoritate apostolica confirmamus et presentis scripti patrocinio communimus. Nulli ergo omnino hominum liceat hanc paginam nostre protectionis et confirmationis infringere vel ei ausu temerario contraire. Si quis autem hoc attemptare presumpserit, indignationem omnipotentis dei et beatorum petri et pauli apostolorum eius se noverit incursum. Datum laterani, III. kal. junii, pontificatus nostri anno quinto.

Cap. I, fol. 3.

XX. Pápst Honorius III. bestätigt die bischöfliche Urkunde vom Jahre 1214 dem Kloster Hilderleben, am 5. Mai 1221.

Honorius Episcopus, servus servorum Dei, dilectis filiis Abbati et Conventui Monasterii Hildesleuen salutem et apostolicam benedictionem. Sacrosancta Romana ecclesia devotos et humiles filios ex assuete pietatis officio propensius diligere consuevit, et ne pravorum hominum molestiis agitentur, eos tanquam pia mater sue protectionis munimine confovere. Ea propter, dilecti in domino filii, vestris iustis precibus inclinati, personas vestras et locum, in quo divina estis obsequio mancipati, cum omnibus bonis vestris, que in presenti rationabiliter possidetis aut in futuro iustis modis prestante Domino poteritis adipisci, sub Sancti Petri et nostra protectione suscipimus. Specialiter autem libertates et immunitates vobis et monasterio vestro a bone memorie H.*) et R. ac a venerabili fratre nostro, Halberstadenfibus episcopis, loci dyocesanis, ac etiam a clare

*) Diesen Buchstaben liest man nicht mit Deutlichkeit; er ist im Copiale durch Nässe fast verloschen; — wahrscheinlich soll er aber den Bischof Herrand von Halberstadt bezeichnen.

memorie Comite Hildesleuensi, eiusdem monasterii fundatore, concessas, nec non ius advocacie, quod idem comes monasterio in proprium concessit, possessiones et alia bona, pia vobis fidelium devotione collata, vel alias ad vos iusto tytulo pertinentia sicut ea omnia iuste ac pacifice obtinetis, et in autentico inde confecto plenius continetur, vobis et per vos eidem monasterio vestro, auctoritate apostolica confirmamus, et presentis scripti patrocinio communitus. Ad rei autem evidentiam pleniorum tenorem ipsius autentici de verbo ad verbum presentibus duximus inferendum, Qui talis est: (Siehe No. XVII.) Nulli ergo omnino hominum liceat hanc paginam nostre confirmationis infringere vel ei ausu temerario contraire. Si quis autem hoc attemptare presumpserit, indignationem omnipotentis dei et beatorum petri et pauli apostolorum eius se noverit incursum. Datum laterani, III Non. Maii, pontificatus nostri anno Quinto.

Cap. I, fol. 1.

XXI. Abt Cäsarius acceptit eine Schenkung Haold's von Angern für das Kloster Hillersleben, am 25. Juli 1232.

In nomine sancte et individve trinitatis. Cäsarius, dei gracia hildesleuensis ecclesie abbas in perpetuum. In fuga est status mundi huius et temporis, nimirum et in incerto fluctuat omnis actio temporalis. Ne itaque quod geritur in tempore simul evanescat cum tempore, oportet scripture firmamento posterorum memorie commendari. Noverint igitur vniuersi tam presentes quam posteri, quod conventus noster quatuor libras argenti ab haoldo milite de angern, cognato nostro, oblatas et ad communem fratrum consolacionem deputatas ad quosdam redditus, quos prius ecclesia non habuerat, in Wederinge comparandos nobis assignavit. Nos autem ipsorum devocioni respondentes pro anime nostre remedio chorum filiginis, qui de allodio in melfberge soluitur, quem a marquardo tribus marcis, ecclesie litone, redemerunt, et duos mansos, in maiori rodenfleue sitos, ad fratrum infirmorum solacium deputavimus statuentes, vt quicquid de proventibus eorundem tam in annona quam in pecunia, porcis et aliis utilitatibus annis singulis haberi potuerit, ad vsus fratrum infirmorum necessarios impendatur. Decrevimus preterea vt deliberato consilio fratres sibi proviforem vnum ex ipsis in bonis procurandis eidem eligant, qui, si negligens et invtilis extiterit, ipsum removendi et alium in loco eius ydoneum subrogandi liberam habeant facultatem. Porro nobis nostrisque successoribus ius advocacie bonorum ipsorum liberam reservamus, pro eo precipue, ut nostri successores iuris ac debiti necessitate compulsi ad tuicionem proventuum predictorum operam adhibeant efficacem. Ceterum ne huic ordinacioni nostre rationabili quisquam ausu temerario contraire presumat dei omnipotentis auctoritate nostrique anathematis interminacione districtius inhibemus. Acta sunt hec VIII. kal. Augusti, anno domini M^o. CC^o. XXXII^o., Indictione V^a, abbacie nostre XXVII. Huius rei testes sunt: Thidericus, prior, hincicus, custos, burchardus, cantor, hermannus de bornstede, arnoldus de magdeburch, hermannus. Milites vero prefatus haoldus de angern, gerbertus de ammenfleue, heydenricus de wederige, geroldus de hildesleue. Ad maiorem denique tocius securitatis cautelam hanc paginam inde conscriptam tam nostro quam ecclesie nostre sigillo fecimus roborari.

Cap. I, fol. 19.